

諭旨 三月十二日至四月初五日

旨賡生常連著以侍衛用存祥著以旌員用分發河南道殷壽雲南道何光燮河南知府董翊清浙江知府萬昭廣江西  
 知府輝毓良直隸直隸州知州松盛山東直隸州知州程建劍山西直隸州知州鵬雲吉林直隸州知州汪士仁山東直  
 隸州知州張百城直隸州知州陳寶銘四川知州齋開灑雲南知州王雲龍江蘇通判王廷俊山東通判相國治陝西通判  
 方汝士江西通判洪維霖兩江鹽運判余元浩江蘇直隸州州同童耀焜吉林知縣李達春山東知縣胡師孝張昌慶潘  
 時琮浙江知縣張其昌四川知縣楊預雲南知縣張友棠直隸知縣慶陞寶立傳吉林知縣英啓劉壽彭山東知縣蓋允  
 恭魏樹王仁虞張芝輔呂紹熾山西知縣井紹先河南知縣楊光斌李琳車戾江西知縣黃金鑾湖北知縣徐吳齡四川  
 知縣宋嘉俊雲南知縣聶正熙熊祖頤兩浙鹽大使周耀陳詩庚俱照例發往 定東陵禮部員外郎著壽森補授 昌  
 陵工部主事著常斌補授保舉黑龍江銀庫主事壽祺奉天候補知縣王鼎彝俱照例用服滿原選貴州貴定縣周廷華  
 著不必坐補原缺擬補長蘆石碑場大使王繼榮著照例用欽此 三月十二日

上諭周馥奏特參武職各員等語統領續備副四旗記名總兵蕭有元罔恤兵艱馭衆無術著以都司降補管帶新湘右  
 旗儘先游擊彭庚午兵不足額營務腐敗合字後營哨官儘先守備楊得勝約東不嚴軍紀廢弛揚州營中軍守備張紹  
 軍貪利營私被控有案均著卽行革職餘著照所議辦理該部知道欽此 上諭道員用雲南候補知府許台身著仍交  
 軍機處存記欽此 十六日

上諭政務處覆會議蘇淮分立行省一摺蘇淮分省於治理既多不便著卽毋庸分設江滬巡撫卽行裁撤所有淮揚

諭旨

三月十二日

七

諭 旨

三十一

五月

鎮總兵著改為江北提督以資鎮攝餘依議欽此 上諭恩壽著仍遵前旨來京陛見欽此 上諭江北提督著潘萬才署理欽此 上諭二品銜四品卿銜候選道黃開甲著交軍機處存記欽此 上諭鄂殿賜著調補河南南陽鎮總兵四川松潘鎮總兵著孫萬林調補均著迅速赴任欽此 上諭直隸大名鎮總兵著洪永安調補馬金鉸著補授福建漳州鎮總兵欽此 十七日

上諭長庚徐世昌奏考驗北洋陸軍情形各摺片據稱考驗二鎮訓練之法編制之宜體大思精非他省可及等語北洋陸軍袁世凱累歲經營規模宏備具見公忠體國任事實心深堪嘉尚其實能卓著之選安鎮統制官儘先選用道王英楷步隊統領官儘先選用知府張懷芝礮隊統帶官儘先補用參將田中玉馬廠一鎮步隊統領官補用副將馬龍標保定一鎮步隊統領官補用遊擊張永成著傳旨嘉獎督辦陸軍學堂之分省補用道馮國璋於各堂學務具有成效並著傳旨嘉獎至新練旗兵甫及一年即已改觀足見奮勉向上鐵良悉心教練辦事認真不負委任即著奕劻等督飭各營切實講求蔚成勁旅用副朝廷整軍經武之至意餘著照所議辦理欽此 上諭程儀洛奏原籍安徽應否迴避奏明請旨等語程儀洛著調補山西按察使即赴新任毋庸來京陛見漢子濬著仍留安徽按察使之任廣東按察使著沈瑜慶調補欽此 旨四川雅州府知府聯豫著賞給副都統銜作為駐藏幫辦大臣照例馳驛前往欽此 十九日

上諭伍廷芳沈家本等奏考訂法律請先將律例內重刑變通酌改一摺我朝入關之初立刑以斬罪為極重順治年間修訂律例沿用前明舊制始有凌遲等極刑雖係懲儆兇頑究非國家法外施仁之本意現在改訂法律嗣後凡死罪至斬決而止凌遲及梟首戮屍三項著即永遠刪除所有現行律例內凌遲斬梟各條俱改為斬決其斬決各條俱改為絞決統決絞決各條俱改為斬監候入於秋審情實斬監候各條俱改為絞監候口口與絞候人犯仍入於秋審分免實緩辦理

至緣坐各條除知情者仍治罪外餘著悉予寬免其刑字等項亦著概行革除此外當因章軍應行變通之處均著該侍郎等悉心疏探從速纂訂請旨頒行務期酌法準情拆衷至當用副朝廷明刑弼教之至意將此通諭知之欽此 上諭

四川雅州府知府員缺著武瀛補授欽此 二十日

上諭昨據伍廷芳沈家本奏議覆恤庶獄十條請飭禁止刑訊拖累變通笞杖辦法並清查監獄羈所等條業經降旨依議惟立法期於盡善而徒法不能自行全在大小各官任事實心力除各弊庶幾政平訟理積習可回願聞各府州縣或嚴酷任性率用刑求或一案動輒株連傳到不及審訊任聽丁差朦蔽擇肥而噬拖累羈押凌虐百端種種情形實堪痛恨此次奏定章程俱行照准原以於恤庶獄務伸公道而通民情用特重申詔誡著該督撫等嚴飭各屬認真清理實力遵行仍隨時嚴加考核倘有陽奉陰違再蹈前項弊端者即行從嚴參處毋稍迴護瞻徇其各勤求民瘼盡心獄訟用副朝廷恤下省刑之至意將此通諭知之欽此 二十一日

上諭光祿寺卿著伊克坦補授欽此 二十二日

上諭崇禮奏因病懇請續假並派署都統一摺崇禮著賞假一個月廂藍旗滿洲都統著特圖慎署理欽此 二十七日

上諭湖北武昌府知府員缺緊要著該督於通省知府內揀員調補所遺員缺著斌俊補授欽此 上諭湖北安襄鄖荆

道員缺著梁鼎芬補授欽此 上諭雲南開化鎮總兵著白金柱調補蔡標著調補廣東瓊州鎮總兵欽此 上諭四川

重慶鎮總兵員缺著韓立本補授欽此 二十九日

上諭前據翰林院代遞編修趙炳麟條陳並御史張世培條陳各摺片所參道員黃錫銓等先後諭令岑春煊李經羲確查茲據查明覆奏調廣西候補道黃錫銓原參徇利殺削各節不盡無據惟人尚有才著革職仍留該省交李經羲詳

加查看以觀後效試用知府程道元聲名狼籍貪黷昭彰著極縣知縣李曰謙信任匪人所部騷擾均著革職永不敘用  
府經歷職銜盧元溪補用守備李振聲身為官弁縱兵騷擾均著革職盧元溪情節尤重著即正法以昭炯戒李振聲著  
從寬發往新疆充當苦差永不釋回餘著照所議辦理該部知道欽此 四月初一日

上諭岑春煊奏接營粵海關稅務一摺據稱粵海關稅務經張人駿先行接管實能破除情面銳意規畫積弊一清約計  
釐剔摻節所得每歲可增出銀四十餘萬兩等語張人駿任事實心深堪嘉尚著交部從優議敘餘著照所議辦理該部  
知道欽此 旨翰林院侍讀學士著恩祥補授欽此 初三日

上諭潘萬才現在丁憂著改為署理貴州提督即赴新任欽此 上諭廣東廣州府知府員缺緊要著該督無於通省知  
府內揀員調補所遺員缺著顧清健補授欽此 上諭鹿傳霖著調補吏部尚書仍兼署工部尚書戶部尚書著張百熙

調補欽此 上諭增祺現在丁憂盛京將軍著趙爾巽補授未到任以前著廷杰署理欽此 上諭廣東惠潮嘉道員缺

著沈傳義補授欽此 上諭廂白旗漢軍副都統練兵處軍政司正使劉永慶著加恩賞加兵部侍郎銜署理江北提督

所有江北地方鎮道以下均歸節制欽此 上諭景陵隆恩殿工程及東西兩陵歲修工程著改派陳燮會同饒良敬謹

承修欽此 初四日

旨劉永慶現署江北提督廂白旗漢軍副都統著熙璜署理欽此 初五日